

明

詩

紀

事

明詩紀事

貴陽陳田輯

乙籤

陳敬宗 七首

敬宗字光世慈溪人永樂甲申進士選庶吉士授刑
部主事擢翰林侍讀改南國子司業遷祭酒卒贈禮
部侍郎謚文定有澹然居士集十八卷

陳子龍明詩選文定詩典質和平盛世之風
田按光世學行爲六館師表與李祭酒時勉稱南陳
北李中官王振欲納交光世求書程子四箴署名而
已官太學二十餘年諸生多位卿貳獨久不調意豁
如也向推其應制諸作余謂五字詩尤沖澹有韋柳遺意

南溪草堂

去家南溪濱還住南溪曲未覺雲物疏共愛山水綠臨流四五家桑麻繞茅屋日出雞犬喧春深散花竹乘興泛滄浪煙波渺遐矚山色遠逾淨漁歌斷還續歸來蘿逕深筠窗愜幽獨軒冕豈不榮野服無拘束鷗鳥相與間逍遙乃云足

載酒堂

彭澤去已遠誰知物外情高懷獨超曠淡然無俗營結廬在山水虛閣涵餘清同志或相遇開樽聊共傾白雲滿巖阿秋風吹落英有酒不爲歡空餘身後名微雨曉來簪悠悠天宇澄雖無軒冕貴聊自樂吾生

元夕觀燈應制

皓月金門夜和風玉殿春雲移三島近燈簇萬花新天仗臨

丹辰星橋接紫宸中官宣德意宴賞及羣臣

紫禁疏鐘靜高城刻漏傳五雲迎寶蓋萬戶綴金蓮瓊醴行
仙席龍盤進御筵教坊呈百戲齊過玉階前

劍珮青霄近峯巒翠閣重花明金殿月香度玉樓風拜舞諸
蕃集歡娛萬國同遙聞歌吹發五色慶雲中

紫陌連清禁彤樓接綠河九門星彩動萬井月華多寶炬通
宵朗鶯笙協氣和臣民涵聖澤齊唱太平歌

山擁金鼇壯雲盤綵鳳來星河隨斗轉珠闕倚天開歡洽春
聲徧恩從淑氣回願歌魚藻詠長奉萬年杯

雙槐歲鈔永樂己丑令自正月十一日爲始賜元宵
節假十日壬辰正月賜文武羣臣宴聽臣民赴午門
外觀慈山歲以爲常車駕駐兩京皆賜觀燈宴上或
御午門示御製詩使儒臣奉和覽而悅之賜以羊酒

翰林記宣德三年元宵節賜文武大臣觀燈於萬歲山命中官侍宴學士楊榮進元宵賦賞鈔三千貫侍讀錢習禮等賦詩以進咸命觀燈於萬歲山賜宴各以詩進賞鈔各六千錢七年元宵節賜觀燈於西苑仍賜內閣白金絲帶遣中官送於其第蓋自宣宗卽位以來凡遇時節必賜侍臣以詩章及內醞珍羞而元宵爲尤盛云

田按元夕應制詩逸人多畫日明月讓燈光唐王珪句維也雙鳳翼中扶輦下六轡海上駕山來宋王珪句維近外亢宗爲第一余謂員外明月只隨仙仗轉紅雲御炬萬點雲霞微微御籞多自足擅場而當時應制諸作陳祭酒散御香綺羅天旌旗拂天庭陪官陪星斗疊品瑩寶地春應滿金門閑瑤空集宗偏員賜侍郎不萬方雲氣凝凝天庭周庶子迷云魚鑰萬枝事隨通夜集

出紅粧三島新移植建章燈火萬枝風流還進紫闕鶯鶯禁署

讀濱云銀漢橫空寶月圓六鷁飛出五雲端蓬萊紫
禁天中起玉井紅蓮地上看滿殿嬌歌留夜景千門
期鼓散春寒教坊戲樂回回異願奉龍顏萬歲歡胡
祭酒儼云風清華月麗晴空湛露筵開聖澤灑燈火
遙連丹闕外簫韶只在彩雲中九重瑞靄浮金雀萬
樹銀花燦玉虹光祿傳宣催進酒烏紗都映醉顏紅
金蓮少保幼孜云天仗森森列寶台教坊初進鼓如雷
不管紫宸頻上萬年杯傳柑歲歲承恩渥感遇深漸負
才閭重夜不屬瓊樓十二敞銀屏東風一曲昇平樂此夜
都人盡許聽

李時勉

三首

時勉名懋以字行江西安福人永樂甲申進士選庶
吉士授刑部主事進侍讀改御史以事下獄復官進
侍讀學士再遷學士改祭酒謚文毅改謚忠文有古

國史唯疑李時勉陳敬宗終淹國學西楊與有責焉
聞敬宗頗直指西楊過惟西楊匡輔君德處多功大
未易瑕疵疑在魏徵精送良之間

藝林伐山元武伯英詠燭翦詩號殘瘦玉蘭心吐蕊
落春紅燕尾香爲一時所賞國朝李古廉詠翦刀詩
吳綾翦處魚吞浪蜀錦裁時燕掠霞深院響時春晝
靜小樓工罷夕陽斜公之直節清聲而詩嫋嫋如此
信乎賦梅花者不獨宋廣平也

送樂舞生戴尙禮歸禾川

豔秋菊兮花滿枝掇芳香兮泛瓊卮送君去兮南歸風飄飄
兮吹衣楚山峩峩兮楚水滴滴水有蒲蓮兮山有靈芝山中
之樂兮何有窮期恨一別兮天之涯月皎皎兮長相思

古意寄曾學士

梧桐生崇岡亭亭出雲林一朝樵夫採斤斧來相尋幸爾爨

下餘斲削成素琴粲粲絃朱絲煜煜徽黃金當窗試一彈悠然太古音清風流水遠白雲蒼山深世無鍾子期誰能識子心

小瀛洲爲抑菴少宰賦

甲第旣宏廠齋居愛幽偏徘徊梁棟間宛在蓬壺山蒼松隱崖岫白日霏雲煙皓鶴天邊來靈飄波上旋偓佺夔門子羽蓋何翩翩我欲往從之愧無凌風翰一水邈難卽引領增慨然

周忱 一首

忱字恂如廬陵人永樂甲申進士選庶吉士授刑部主事進員外改越府右長史擢工部侍郎巡撫江南

遷戶部尙書改工部卒謚文襄有雙崖詩集六卷

田按甲申庶吉士進學文淵閣者二十八人恂如自陳年少得與其選蒞吳有惠政吳人思之不衰篤於交誼解大紳繫獄交知絕迹薪米之奉獨出恂如大紳贈詩有當時霜雪被滿野惟見青青松樹枝之句

送廖主事還南京

題柱才名舊還宮別意新柳花低撲酒山翠遠迎人去馬嘶芳草嬌鶯惜晚春秣陵千里外飛夢更相親

李昌祺十四首

昌祺名禎以字行伯葵子

見甲
鑑

永樂甲申進士選庶

吉士擢禮部郎中出爲廣西左布政改河南有容膝

軒草運甓漫稿

四庫總目昌祺詩一變綺靡纖巧之習而以流逸出之故別號鮮潤

李時勉古廉集李布政詩如纖雲浮空變態而難狀

春泉注壑澆澑而無窮

水東日記廬陵李禎爲人耿介廉潔自始仕至歸老

雖醜而心嚴身雖進而意止忠孝稟乎父師學問存

乎操履仁廟稱爲好人周藩許其得體不勞朋友贊

詞自有帝王恩旨蓋亦有爲言之也景泰中韓都御

史雍告之故老進列先賢祠中獨以贊作翦燈餘話

不得與

安磐頤山詩話李昌祺翦燈餘話記事可觀集句如

不將脂粉涴顏色惟恨緇塵染素衣漢朝冠蓋皆陵

墓魏國山河半夕陽對偶天然可取也

田按方伯詩色新意古諸體並工在永樂詩家中獨

標一格當時選三十八士進學文淵閣有才如此不

與其列操鑒衡者能辭其咎乎

春日與高逸人行秦淮河上作

端居苦無悰今旦得良契道遙出近郭散策淮水際草軟倦
堪眠林香醉宜憩鳥哢晴始和川容晚逾媚篠深風葦密沙

沒夕潮至野鷺渾忘機似識靜者意幽懷頗得愜近景苦難
繫候卒哺欲還春城暝將閉因知市朝隱兼有林壑致永言
終此生涵泳太平世

題雙燕圖寄表弟陳安行

君家鑒溪北我家郡城西君家梁間燕我家梁間棲我從出
鎮來寒暑又三變不見故鄉春惟見故鄉燕挈家吉城邊寓
家汴河湄燕識主人心相隨不相離念君千里隔見君幾時
得欲令燕銜書飛歸到君側君能弗吾棄爲理白雲莊願言
共君老看燕雙飛翔

擬唐塞下曲

羽箭雁翎刀風沙北地豪弓開關月滿鵬沒陣雲高勁騎三

邊出名王一夕逃將軍方得意新拜璽書褒

彭澤縣石崖僧房

窗戶俯澄潭龍宮似可探藤蘿棲鵠樹瓶錫定僧岩斜日疏
疏磬長風去去帆只應輸野衲長此卧煙嵐

宿廢普濟寺

青山行欲盡深樹見僧房雲氣千峯暝秋聲一院涼長藤懸
破衲脫葉覆空廊龍象黃金地蕭蕭蔓草長

三月四日卽景

忽忽春將暮俄過三月三草誰憐益母花自媚宜男仁到尋
巢燕初眠上箔蠶新茶與稗笱鄉味憶江南

張舒州家觀元承旨危素畫像

虞揭凋零玉署空堂堂至正獨推公氣全河岳英靈秀手抉
雲霞制作工江總歸陳翻恨老賈生鳴漢早稱雄丹青似有
無窮意卻寫南冠入畫中

雨中發洪都

豫章城下水如苔風雨官河一棹開山色遙連蕭寺暝雁聲
斜度楚雲哀霜凋遠樹寒燈見鳥背孤帆極浦回畫棟朱簾
遺閣廢荒基歲歲長蒿萊

送子生還鄉

紅槿村稀夜合殘行人千里問鄉關客情偏在初秋裏旅夢
頻生半醉間細雨帆檣投極浦孤村燈火隔前山西風無限
滄洲意欲採芙蓉愧未聞

駕幸朝天宮祭星

上帝蕭臺衛百靈，儲皇拂曙醮羣星。
清都秘籙開雲篆，白晝神雷擲火鈴。
曉露未乾珠樹濕，天風微動寶花零。
叨恩久在南宮裏，長從鑾輿幸冶亭。

訪鶯洲書院遺址

宋家書院但空名，二水中分草樹平。
陵谷變來基亦廢，野人耕處草還生。
落花細雨文魚上，殘柳西風白雁鳴。
臨眺不堪懷往事，城頭畫角更淒清。

小滿日口號

久晴泥路足風沙，杏子生仁棟謝花。
長是江南逢此日，滿林煙雨熟枇杷。

柵子畫眉圖

昔年曾伴董嬌嬈長把春山笑倩描今日梁園空見畫鳥嚦
花落鬢蕭蕭

山中見牡丹

不嫌惡雨並乘風且共山花作伴紅縱在五侯池館裏可能
春去不成空

張徹

三首

徹字玉瑩新淦人永樂甲申進士歷吏部主事郎中
有退菴集

田按甲申一榜入文淵閣進學者江西多至十五人
此外如李布政昌祺張郎中徹殊自錚錚不在諸人
之後

盱江山水圖爲鄭文選誠作

吾聞匡廬之山盤礴而崔嵬金作蓮花雲作臺九江之水小
如杯洞天石扇空中開巨靈怪山欲將海門扼剗卻一半移
向君家來君家住在盱江滸宛若神仙開紫府白日吹笙鼓
琴瑟窗戶無塵灑香雨門前春煖溪水生園林好景皆天成
溪花向日半含笑溪樹無風如有聲沿溪有路出林杪溪頭
遠見孤舟小行人日晚促歸驛斷岸天高度飛鳥三山迢遞
隔紫煙飄輪羽蓋來飛仙問之何所事丹鼎功未圓直欲授
君久視長生訣並乘白鶴上下相周旋嗟我村野人未達仙
家奧自知骨相凡何由得深造老來頭白欲息機見畫頓覺
心神飛何當長揖謝塵俗與君挂席西江歸

送皮如谷

喜釋魯橋役便尋金水船銘心思報主迴首若登仙掃雪開
松徑穿雲種秫田端居謝名利詩酒度流年

晚過劉懋烈山庄

喬木山中舊日庄花深苦徑與人香青松白石隨心賞翠壑
飛泉引興長林月夜分桑柘影溪雲冷入薜蘿裳多情惟愛
天台客翦燭分題醉夜涼

王恪一首

恪字孟誠湖口人永樂甲申進士授評事歷廣東道
御史遷參議未赴乞歸

題閻阜山

葛嶺煙霞幾萬重仙壇湧出翠芙蓉
林月上時聞鶴丹鼎
雲生或見龍天上珮環蒼玉冷
山中冠劍紫苔封憑誰喚起
西風夢鳴水臺前五粒松

羅亨信

三首

亨信字用賓東莞人永樂甲申進士改庶吉士歷工
科吏科給事中謫交趾洪熙初召還爲御史正統初
擢僉都御史巡撫宣大進右副都御史景泰初轉左
副都御史有覺非集

少年行

金張遊俠子隸籍李輕車祿服過侯弟鳴筆入主家醉呼櫟
市酒夜宿杜陵花更有期門約悲歌別狹斜

戊婦詞

去年成桑乾今年成交河書來渾不定教妾夢如何

古意

傍石蒲草瘦傍湖蒲草肥因依各已定不願更相移

羅汝敬

一首

汝敬名肅以字行吉水人永樂甲申進士歷翰林修撰以言事下獄改御史擢工部侍郎兩使安南巡撫

陝西有寅菴集

雲錦峯

廬山東南雲錦屏裂雲翼錦羅雲水簾捲秋天漠漠春色入樹花冥冥屏陰處處青山小古刹鳴鐘自昏曉一鏡平湖

疑黛螺萬里長天度飛鳥故人舊隱斗南家玉堂十載思煙
靄何時乞得南歸去醉卧屏前埽落花

楊勉一首

勉字宗勛江甯人永樂甲申進士選庶吉士改刑部
主事進郎中擢行在本部右侍郎坐事繫獄洪熙改
元復官出爲山東右參政改廣東

樂靜爲謝庭循賦

素志厭煩撫華軒敞幽闢端居得時暇琴咏聊獨適芸窗竹
露繁草徑蘿煙積座分嘉樹陰簾逗遠山碧翠芳涉清澗玩
雲憇苔石一鶴溪上還青林帶斜日境勝迹自幽神恬興逾
逸妙契靜中趣於焉樂無極

熊直一首

直字敬方其初圖姓胡吉水人永樂甲午舉人有西
澗集

薊門秋夕

清漏遲遲月轉廊
博山銷盡水沈香
重城不鎖還家夢
兩夜分明到故鄉

明詩紀事

貴陽陳田輯

乙籤

魏驥 一首

驥字仲房蕭山人永樂乙酉舉人授松江訓導遷太常博士宣德初進吏部員外郎歷太常少卿正統三年擢行在吏部左侍郎改禮部再改南吏部進尚書景泰初致仕卒謚文靖有南齋前後集

雙槐巖鈔魏文靖公天順甲申選憲廟卽位詔文武官五品以上致仕者進階一級時年九十一歲進一品官階閒居述懷云一品新升遵紫誥百年將屆荷蒼穹至己丑元年九十六詩云年登上壽身逾健宦官拜深恩秩更加庚寅元日年九十七歲詩云酒香旋甞迎佳客詩就清吟續舊編辛卯年九十八歲九

月十九日病中臨終詩云瑤島不勞青鳥至
許白衣來官至一品年近百歲國朝大臣罕與之儕

池北偶談魏文靖詩秀麗可誦

題趙松雪小像

天潢玉樹溥華滋水晶宮小春遲遲漚波桂楫浮輕漪桃笙豹枕羅香幃蜀琴曉鳳彈吳絲翠華渺渺擅塵飛銅仙淚泣風淒淒瑤階土蝕秋蟲悲蟬衫寶瑞雙蟠螭玉堂歸老江南時

黃子久沙磧圖

江邨望極際春明市地人家喚欲磨芳草一川朝濛濛嬌鶯隨處柳層層茆茨偏水遇幽島苔徑穿雲接稻塍回首夕陽天末墮老漁猶自未收罾

林長懋 一首

長懋字景時莆田人永樂乙酉舉人除南昌教諭改
青州教授擢翰林編修遷中允出知鬱林州忤旨下
獄十年遇赦之官有竹莊集

蘭陔詩話竹莊詩恪守唐人矩矱不踰尺寸

出西門行

出西門望晉陽太行山高路茫茫來鴻雁鳴蛩蟬今我不樂
露爲霜來日短去日長况復萬里非故鄉

陳全 三首

全字果之長樂人永樂丙戌第一入及第授翰林編
修遷侍講有蒙菴集

田按果之詩有
新色希蹤韋柳

秋江曉釣

澄江澹夕波危峯逗煙景孤坐一竿秋微風颸絲冷釣國非所任濯纓趣方領長嘯山月高蒼茫楚天迥

送人歸江右

祖席白下亭買楫秦淮浦人分梧葉秋恨帶芭蕉雨長風吹片帆倏忽邈何許矯首隔雲山望望空延伫

敘舊

故國別來久那堪憶舊遊鶯花春接席風雨夜同舟明月心千里青山夢一邱相思限吳越雲樹共悠悠

謝璉

一首

瑾字庭蘭鄞人永樂丙戌進士出使粵中以薦除刑
部員外郎遷郎中出知平陽府擢陝西按察使有蠅
濡集

田按庭蘭詩
奸作奇語

長淮

千里淮流勢若奔建瓴西下地平吞天吳濛浪來江口鬼伯
推潮出海門疏雨數聲雲入浦遠林一抹水連村汎流有客
登瀛去路入清河日又曛

曹閻一首

閻字冀成江夏人

一云黃嚴人

永樂丙戌進士官監察御

史有蘭臺稿

息耕軒爲應尙惠賦

早歲厭卑近所向輕四方泛舟越黃河驅車登太行客路無所極翻然歸故鄉東臯足春雨曉出移新秧石田土力薄豐歉未可量肆勤苟及期卒歲庶有望所喜隣交親言論款衷腸卽此諧所願貧富安其常

薛常生

二首

常生字壬用上虞人永樂丙戌進士官吏部郎中

青州道中

遠道長爲客寒宵夢到家故山風景好香雪壓梅花

劉懿

一首

髦字孟恂永新人永樂戊子舉人有石潭存稿遺韻

集

登東華

層樓華構鬱崔嵬隔水紅塵盡不來
鐵笛一聲天外響月明疑是呂仙回

黃腸一首

賜字原升莆田人永樂辛卯第三人及第授編修

次潞河

朝發薊門道暮宿潞河灣落日如有意爲我駐西山雁影水
雲外砧聲煙樹間時逢瀛洲侶共泛仙舟還

錢習禮一首

習禮名幹以字行吉水人永樂辛卯進士改庶吉士

授檢討厯侍讀侍讀學士掌院事擢禮部侍郎卒謚

文肅有應制集詞垣續稿歸田稿

和曾侍講送陳郎中重使西域

歸朝名馬貢飛黃再撫羌夷出塞長纔到交河南部識重經
瀚海舊營荒客程春半時逢雨虜地寒多夏亦霜從此番酋
俱款附不須生致左賢王

熊概

一首

概字元節吉水人舉人直子永樂辛卯進士榜姓胡
除御史出爲廣西按察使改廣東宣德初擢大理卿
巡撫兩浙及蘇松諸郡遷南都察院右都御史有芝

山居士集

登岳陽樓

巴陵城上岳陽樓。樓外長江日夜流。
簾捲斷雲衡。獄曉窗含殘雨。
洞庭秋。東南勝概留。清賞唐宋衣冠嘆。
昔遊倚徧闌干重弔古。乘閒更落不勝秋。

黃蘋生

一首

壽生字行中。莆田人。永樂辛卯進士。改庶吉士。授檢討。有集十卷。

過凌霄道中

浩浩寒流急。茫茫曉望賒。綠州迷杜若。碧浪泛桃花。川樹煙中沒。雲帆鳥外斜。欲尋天盡處。彌漫失津涯。

林寶

一首

寶字中美長樂人永樂辛卯進士榜姓吳除監察御史出爲廣西按察僉事有樸齋集

雨中懷陳馬二翰林

二月山城煖正融桃花開盡杏花紅朋游零落春風後客況淒涼暮雨中閩海幾年誰寄雁淮山千里獨乘馳玉堂蓬閣如天上此日懷人思不窮

馬鐸一首

鐸字彥聲長樂人永樂壬辰第一人及第除修撰有玉巖集

送人歸平陽

太行山上西日微桐鄉城下行人稀關河萬里愁歸客汾水

秋風孤雁飛

林誌六首

誌字尙默閩縣人永樂壬辰第二人及第授編修歷修撰侍讀右春坊諭德有詒齋集十五卷

田接尙默爲王孟揚弟子詩沿閩派時有瞽音尙默之卒也同館多有挽詩侍講泰和余學夔詩云詞華推哲匠利第重明經泛覽窮奇僻幽探洞窈冥淒涼遺舊事惻愴看新銘日暮西岩曲猿號不可聽多病文園久仙遊去不還喪車經衡水丹旐入閩關野鳥悲殘雨浮雲蔽舊山孤雛扶櫬往辛苦冒危艱檢討東魯許彬詩云故友留長劍孤兒哭素帷茂陵無舊墓杜山有遺詩黃甲名猶在青雲志可悲潞河丹旐去行道亦漣渢修撰秦和曾鶴齡詩云卧病京華衆所憐青燈孤榻夜蕭然賜歸方擬辭雙闕長逝旋聞隔九泉桂館餘風人共惜詞垣遺稿世應傳迢迢旅櫨南還路遙指三山若箇邊修撰吉水劉子欽詩云夢一舉科名冠盛時老我忽驚雙鬢改懷人更覺成春寸憶昨春明話別離甯期數月永相違半生寓貲成春寸

心悲校文應過揚雄宅灑淚臨風不
盡思諸公詩世不多見附錄於此

題周選部山水圖

披圖紫薇署挂笏青山曉蓮瀛望超忽樓閣訝縹渺天鏡一
棹浮雲屏數峯繞滄洲晉無際赤縣坐來小憑虛恍天遊玩
化已心了懷哉安期生汗漫扶桑表

遊西峯古寺

石上尋片雲西山得微逕松門天路虛花宇金潭映落葉飛
蟬長垂蘿結秋暝黃綠遠公社寄適陶潛詠三生了羣迷一
寂喻澄境雖云吾喪我應悟慧生定

送隱士黃聲玉

雙井秋陰合蓬門石徑斜殘陽催鳥過疏雨落閒花山帶垂

青幔窗櫳照碧紗不知林下客幾處醉煙霞

夜宿黃田驛

早有浮名賦遠遊青山明月共孤舟渡頭夜市聞方語樹裏
寒燈隱驛樓年少有情多惜別秋深無物不關愁鄉闌殘夢
蒼茫裏忽聽舟人起棹謳

後灣渡

清溪源發古靈山小澗縈迴出後灣竹徑暗通流水入柴門
常對落花闌黃昏問渡行人少白日隨潮野艇閒記得舊遊
曾買棹一篙春雨逐鷗還

畫山水爲張中書題

鑑湖春水綠如苔湖上羣峯錦障開誰買扁舟從賀監白雲

林下獨歸來

西蜀竹枝詞

竹郎祠前江水流竹郎祠下同雲收竹枝歌向雪中去大小
蛾眉俱白頭

黎恬

一首

恬字潛輝清江人慎弟見甲永樂壬辰進士授監察
御史出知交趾南靈州以薦擢春坊諭德

送李大使還清江鎮

三載司征報政成還官深喜拜恩榮金臺行色遙秋暮玉箇
歸心共月明望入長安孤雁遠到來古鎮片帆輕煩君寄語
周通府渭樹江雲總是情

余文 一首

文字孟質莆田人永樂壬辰進士官常州知府

送黃希尹歸莆

昔見遊青瑣今看已白頭爲丞淹海國作客戀皇州看劍情
仍在還家寵獨優都門遲去騎潞水艤歸舟岸斷人煙迴川
長夕照浮亂山迴驛路深樹隱城樓客舍清溪曲鄉關碧海
畱親朋登眺處還憶薦門不

黃澤 二首

澤字敷仲閩人永樂壬辰進士官浙江布政使有旗

山集

直沽晚渡

雨歇夕陽斜孤帆挂落霞城頭聞戍角海口見人家衰鶴驚
秋葉歸心逐暮鴉今宵何處泊棹月入蘆花

臨安卽景

臨安多沃土宜麥復宜蠶塔影錢王墓鐘聲淨土菴吳衣矜
白芷越果重黃柑父老何爲者官亭候使駱

陳鑑三首

鑑字有戒吳人永樂壬辰進士除監察御史歷湖廣
山東浙江按察副使都察院左副都御史巡撫陝西
兼督甯夏延安綏德邊備進右都御史太子太保左
都御史謚僖敏有介菴集

田按僖敏鎮陝西有威惠陝人呼爲黑鬚翁閩中陳
泰挽公詩云關西民仰黑鬚公紀其事也

宜君山中縱目

石磴迂迴疋馬遲峯嵐掩映樹參差幾回按轡看雲度澗底
人家總不知

衛河道中春陰寫懷

青山隱隱畫沈沈十日乘舟五日陰幾度望春春已半野花
嚦鳥總關心

祈仙臺

仙臺百丈倚雲高玉輦曾登望九霄青鳥不來王母去茂陵
風雨恨迢迢

劉咸

一首

咸字士皆泰和人永樂壬辰進士官廣東按察副使

有河南詠古詩虛菴集

河陰

敖倉屹屹對崤關廣武蒼蒼夕照間一片雲生牛口谷幾家
人住虎頭山英雄割據鴻溝在王霸興亡白晝閒往事茫茫
只如此臨風何用起長歎

林純一首

純字居粹黃巖人永樂甲午舉人授湖口訓導

題畫

夙有紫霞想冥棲在巖谷短屐映蒼苔長錢廝黃獨誰云寡
儔侶長嘯友麋鹿白雲暮飛來遮斷前山綠

陳祥一首

祥字崇儉天台人永樂甲午舉人官工科給事中

春遊國清

幾日林霏暝不開五峯飛翠逕亭臺釣簾間探春消息一對尋巢燕子來

王遶

一首

遶字公路嘉興人永樂甲午舉人官襄陽衛經歷有南溪吟卷管窺集雲溪遺稿

題宋高宗荔支圖

晏坐深宮寫荔枝建炎天步久艱危江南風味真奇絕莫遣當年北使知

明詩紀事

貴陽陳田輯

乙
鐵

陳循二首

循字德遵太和人永樂乙未第一人及第除翰林修撰洪熙改元進侍講宣德初進侍講學士正統中進翰林學士入文淵閣典機務旋進戶部右侍郎兼學士景泰中進少保歷文淵閣華蓋殿大學士英宗復辟謫戍鐵嶺尋放還有芳洲集十卷

賽齋環綴錄宣廟最好詞章選南楊與陳芳洲二先生日直南宮應制南楊思遲陳思敏一日代御製壽星贊陳援筆贊云渺南極兮一星燦祥光兮入紜兆皇家兮永齡我懷思兮治平賴忠貞兮弼成宜壽域

令同升

南楊以指圈壽域二字欲易而未就時中

官促進甚急曰先生有則改無則罷遂取去賜內閣

問二楊先生曰壽域二字如何西楊應曰入荒開壽

域中官還詰南楊曰入荒開壽域此句詩如何南楊

日好詩中官曰先指壽域爲未好何也南楊默然少

頃陳退食遇西楊於端門西楊語陳曰適賜壽星贊

甚佳必大手筆也陳唯唯後正統間朝鐘一日不受

杵命內閣製祠鐘文南楊入室中翻舊稿不得太監

候久促陳芳洲曰先生何不作陳乃白南楊曰舊無

此稿先生第口占我寫南楊乃起一語陳遂續成之

沛縣

漢祖歌風處荒臺宿草迷野雲連碣北溪雨過豐西人自殊
方至書因去客題鵠原千里隔落筆數行悽

過徐州迴鑾處

偶過迴鑾處遙因想翠華彩雲飛輦路象迹印汀沙曉日彭
城地春風楊柳花獨慚隨使節重此泛仙槎

陳輝 八首

輝字伯煌閩人永樂乙未進士除監察御史出爲貴

州按察僉事遷廣東副使有存菴琴邊清唱二集

謝肇淛福州府志陳輝工詩善鼓琴草書學懷素老

而筆力尤勁解絹雅推服之

田按伯煌詩格清婉永樂中當推作家其官吾黔按

察僉事時與巴陵方御史與全唱和永樂甲辰御史

巡察赤水得一聯云雲生石洞重陰合雨過峯巒積翠深索伯煌卒成之見琴邊清唱集而點志職官列

巡按御史方全於宣德朝誤矣

遊桂月軒

靈境閟空寂雲門入中峯玩奇事幽賞因得相追從蕭條林木晉翠物生秋容暝色半潭雨寒磬雙澗松行吟送落葉歸思聞疏鐘蓮社有佳約東林期再逢

秋日同諸公登清冷臺

靈峯起千仞高臺巒岑寂煙蘿窮攀登林谷恣探歷憑高一
長嘯頓覺萬緣息長江天際來茫茫去無極萬籟送天聲連
山起秋色更聽白猿號東林澹將夕

落劣峯性上人山房

聽梵來山寺逢僧宿石樓風泉行處滿花竹坐來幽別澗鐘
聲晚空潭樹影秋東林微月白相送虎溪頭

寒夜留宿故人隱處

高齋期夜宿蘿徑獨攜琴尊酒成幽酌孤燈照短吟竹泉分
小澗霜葉響空林且盡山中醉誰論物外心

寒夜有懷宗武

坐向東樓月上時懷君不寐益淒其獨拚斗酒山中醉深負
孤琴雨後期夜久霜風還動竹天寒雪雀自爭枝也知別後
能相憶故遣新詩慰所思

題上清方壺山水

曾過蓬島訪茅君路入中峯紫翠分琪樹寒生雙澗雨石門
秋卧半潭雲捲簾山色當窗見拂軫溪聲入坐聞何日暫辭
塵服累青松白鵠自爲羣

小景題贈密齋先生

長尋幽絕避喧喧野服吟秋到鹿門幾處秋山連斷岸數家
黃葉帶孤村風潭石瀨清琴響煙徑苔花翳屐痕卻羨漁樵
林下趣白雲相對欲忘言

哭草堂上人

上人隻履歸何處振錫泉臺去不回雙樹落花禪榻靜一燈
深竹影堂開池虛殘月餘明鏡松偃高枝翳古苔馴鳥不知
人事改捲簾日日去還來

李茂弘一首

茂弘字用受黃巖人永樂乙未進士官吏部員外郎

遊泉南清溪洞

僊人跨鶴去不返古洞寥寥遺空山瑤草叢叢曉煙淡碧桃
寂寂春風寒徒聞金丹換毛骨不見白日生羽翰蓬萊三島渺
何許令人矯首空長嘆

許彬一首

彬字道中南陽人永樂乙未進士改庶吉士授檢討
正統末累遷太常少卿兼翰林侍講提督四夷館景
泰中奉迎英宗還擢本寺卿天順初進禮部左侍郎
兼翰林學士入直文淵閣尋出爲南京禮部右侍郎
甫行貶陝西參政乞休去成化初以侍郎致仕有東
魯先生集

王士祺漁洋文路鄉前輩許侍郎彬詩有云道上鉤衣蒼耳子風前話客白頭翁句可誦

田按漁洋稱侍郎道上鉤衣蒼耳子一聯余謂不如黃河九曲天邊落華嶺三峯馬上來尤雄俊也

題王舜耕畫

流水橋頭行客青山樹杪人家仙源正在何處松蘿深鎖煙

高穀

二首

穀字克用揚州興化人永樂乙未進士選庶吉士授中書舍人仁宗踐阼改春坊司直郎尋遷翰林侍講正統中進侍講學士擢工部侍郎入內閣知制館景泰初進尚書少保東閣大學士兼太子太傅尋進謹身殿大學士英宗復辟謝病歸卒成化初贈太保諡文義有育齋集十七卷歸田集三卷拾遺集一卷

寄王爲善先輩

右單軒居足清致爐煙細繞匡山屏瑤琴鼓時月皎皎白鶴舞罷風泠泠讀書累日不出戶教子有時還過庭安得相從一握手談詩酌酒共忘形

題江村夕照圖

青山繞郭暮雲飛江上人家半掩扉楓樹影斜村社散蓼花
香細釣船歸天晴白鶯依沙集秋老黃雞啄黍肥好似輞川
圖茲裏空林煙火正斜暉

牟倫一首

倫字秉常宜賓人永樂乙未進士官監察御史以諫

謫甘肅

題肅州景

百雉層城萬里遙漢家曾此建旌旄不聞官吏鳴宵柝尚有
番王款聖朝貢去天闕皆驥駒來銀鞍有蒲萄於今絕塞
無烽警定遠何須戍險勞

蕭儀 三首

儀字德容樂安人永樂乙未進士官吏部主事以論遷都北京忤旨見殺有襍綱集十五卷

四庫總目儀文有紅徐曲折之致而意境不深其詩爲

朱彝尊明詩綜所不錄殆偶未見歟

田按永樂時江西有二蕭儀一樂安人永樂甲午舉

人乙未進士官吏部主事一泰和人永樂丁酉舉人

官教諭樂安蕭儀有襍綱集見四庫總目及查夏重

江西志錄詩者往往誤爲泰和蕭儀泰和縣志江西

詩徵皆

昨見伐木謠詞甚愴意甚真深足以見一時之事俗故

廣之

永樂四年秋起夫只今三載將何如無貧無富總趨役三丁
兩丁皆走塗山田雖荒尙供賦倉無餘粟機無布前月山中

去未回縣檄倉忙更催去去年拖木入閩關後平山裏天正
寒夫丁已隨瘴毒歿存者始惜形神單稚子多孤母多老幾
度臨門望歸早火伴還家始報音遺骸已潤荒山草官家役
簿未除名孤兒嫠婦仍登程去年丁壯已殞歿今年孤弱知
無生君門如天多隔阻聖主那知萬民苦但聞木斂已將完
王事雖勞莫懷土

和潘參政遊玉山韻

玉山山頭雲作堆仙人居處有樓臺吹笙靜夜來子晉度曲
有時聞舊才深洞龍歸長帶雨古碑字落半封苔元都勝覽
知無極琪樹東風花正開

雲林圖

鴟林冉冉晴雲浮瀨氣泱漭山木稠林深或招老鶴宿雲暗
恐挾神龍遊茅茨幾架在空谷略約百尺橫清流道人雲外
夢初醒長嘯一聲天地秋

張居彥

一首

居彥字翰華上虞人永樂丁酉舉人累官福建按察
僉事

舟中寫懷

老畏年華暮愁深鬢雪多浮名秋草露歸思大江波舊恨憑
詩遣衰顏借酒和故鄉無限樂歸去著漁蓑

李騏

一首

騏字彥良長樂人永樂戊戌第一人及第授翰林修

撰

芝山蘭若

東峯六曲屏峯下祇樹深深舊蘭若施食臺前芝草香繙經
席上流雲瀉我昔逃禪來此山上人飛錫上方還香床說法
天花落丈室懸燈水月閒竭來精舍東溪裡垂帷永日聞流
水四壁煙蘿世外青六時鐘梵雲中起招邀乘暇更登臨共
愛雲堂花木深莫道空門俱是幻片時清淨卽禪心

周敘一首

敘字功敘吉水人永樂戊戌進士改庶吉士授編修
歷修撰侍讀遷南侍講學士有石溪集

江上行

江流昨夜添新雨綠樹流鶯嬌不語三三白苎冶遊郎雨兩
紅粧浣紗女青山江上立嗟峨江中新水生洪波畫船撾鼓
凌風去兩岸春聲雜棹歌

吳源

一首

源字叔淵閩人永樂戊戌進士官當塗知縣

凌歛臺

晚風扶醉上凌歛落日孤城思寂寥歌舞盡隨王氣散英雄
長恨霸圖銷黃山樹色空鼯鳥采石江聲半落潮惆悵不須
嗟物換六朝遺事總蕭條

尹鳳岐

二首

鳳岐字邦祥吉水人永樂戊戌進士

詩綜誤作丙戌改庶吉

士授編修遷侍讀

田接葉文莊水東日記稱侍讀喜作戲謔詩今錄二
詩亦復莊雅

送朱善繼使南郡

南國山川舊帝畿
皇華駟牡去駢駢
柳垂禁籞絲千縷
花繞宮牆錦一圍
朝士共矜文度至
鄉人爭美買臣歸
明朝冀北相思處
煙樹蒼茫夕照微

挽左都御史陳僖敏公

烏府服官早有聲
清時衷夏盡知名
五朝出入持風紀
一代衣冠屬老成
白首還家今有幾
丹心戀闕死猶生
傷心爲賦招魂句
悵望東吳倍愴情

金誠一首

誠字誠之番禺人永樂戊戌進士授工部主事改刑

部

潛齋

端居探元化因物窮至情智者取其實薄俗徒徇名立酒本忘味大音亦希聲沖和養天性得之良足矜繁華豈不貴倏忽秋露零寄心向冥漠永以全堅貞

習嘉言

一首

嘉言名敬以字行新喻人永樂戊戌進士改庶吉士授編修累官詹事府詹事有溫公稿垣西稿尋樂集和春坊諭德黎潛輝早朝謝恩

一麾出守滯多時又沐恩波拜赤墀士論久因科第重宮臣

新荷薦書移秋風紫燕矜神駿曉日文鶴振羽儀粉藻治平
應有待聖朝此日際重熙

林真二首

真字伯誠閩人永樂戊戌進士仕至監察御史

田按閩縣有兩林真一字伯誠洪武二十六年舉人永樂戊戌進士仕至監察御史一字汝賓永樂三年舉人官知縣粵王臺絕句詩綜屬之汝賓余檢徐泰明風雅徐熥晉安風雅均以爲伯誠作今從之

元日早朝

暫逐鶴行觀紫宸九重仙樂奏芳辰龍樓高聳星河近鳳歷
初頒歲月新曙色漸分三殿曉鐘聲散入萬家春小臣共沐
恩波重願效華封祝聖人

粵王臺

屠龍人去幾時歸空有高臺對夕暉回首舊時歌舞地年年
春草鷓鴣飛

黃閔一首

閔字期餘信豐人永樂戊戌進士選庶吉士出爲儀
隴知縣有竹居吟稿

和倥侗生春日看花之作

多情才子惜春華樂府新聲對客誇朱雀橋邊舊遊路東風
開遍小桃花

劉鉉一首

鉉字宗器長洲人永樂庚子舉人授中書舍人遷兵
部主事擢翰林侍講歷侍講學士國子祭酒天順初

進少詹卒贈禮部侍郎謚文恭有假菴集

水東日記正統十三年彭時榜進士詔選北士爲庶
吉士命儒臣教督之長洲劉詹事先生宗器公安王
祭酒先生伯宣亦嘗同事時山東士二人尹冕同仁
孫昱廷昭也同仁之言曰兩先生言行皆可師法劉
先生一日出送行同官之任南京詩一律命書之詩
成慟哭不能語忠誠之發左右莫不感動其詩曰一
尊傾罷雨蕭蕭客思離情總不消十載禁林同侍講
五更青瑣共趨朝西風鴻雁南歸急落日雲煙北望
遙此際送君無限意疏疏楊柳玉河橋

始蘇志劉鉉文渾厚詩春容豐贍皆有法則

甯昌言萬玉清秋圖

甯公在昔稱時賢頭顱半白歸園田老懷淡泊愛幽雅高居
別築臨川數畝園林占清勝四時景物誇奇妍賓從日盈
北海座琴尊晚載南湖船一朝陵谷那知變廢盡東南舊庭
院扶疏修竹爲誰青零落芙蓉不成片繁華事往今已休東

床老去懷舊遊陶令宅邊松尚在習家池上水空流六十年
來駒過隙俛仰之間已陳迹畫圖寂寞久無聞流落人間匪
朝夕客從何處遠持來佳致依然不殊昔夢迴昨夜到松陵
鐘斷長橋月初白

曾鶴齡二首

鶴齡字延年泰和人永樂辛丑第一人及第授修撰
歷侍讀南侍講學士有松坡臘叟二集合爲松臘集

二十八卷

田按延年五
言慈質有味

潛軒爲清江黎氏作

靡靡流俗弊紛紛士習乖被服崇纨綺雅音變淫哇譬彼泽

水流蕩潏將無涯偉哉君子徒超然異等儕浮華非我願澹泊素所懷招隱入蘿徑遁迹結茅齋烹葵味自甘聽泉韻自諧屣履步林澤時復緣雲崖顧盼生清風此道誰與偕

郭教授致仕還泰和

別離古所悲今我翻成歡酌酒勸君飲飲盡言其端故鄉贊水濱夙昔尙衣冠清風激隣壤英譽聞江關別來曾幾年耆舊多凋殘後進非無賢惜哉矜式難君今罷官去素望高如山嶷嶷坐幽居當令清俗還庭菊欣向榮采掇以怡顏揆予邈難追引睇興長嘆

子謙五首

謙字廷益錢塘人永樂辛丑進士宣德初除御史超

遷兵部右侍郎巡撫河南山西正統中遷左侍郎以事繫獄左遷大理寺少卿復出巡撫河南山西尋內召景陵踐阼拜兵部尙書加少保英宗復辟棄市成化初復官弘治初贈太傅謚肅愍萬曆中改謚忠肅

有集十三卷

四庫總目謙詩風格道上興象深遠雖志存開濟未嘗於吟詠求工而品格乃轉出文士上西湖志餘于肅愍高風大節不在詞華而其斷簡殘篇得於煨燼之餘往往膾炙人口如蕭颯行囊君莫笑獨留長卷倚青天天外冥鴻何縹渺雪中孤鶴太清癯風穿疏牖銀燈暗月轉高城玉漏遲渭西風吹鵠髮嚴灘孤月照羊裘皆直寫胸臆不當以風雲月露比擬也

陶元藻全浙詩話珊瑚網法書題跋卷中載于忠肅落花吟云昨日花間樹梢紅今日花落樹頭空花落花落尋常事未必皆因一夜風人生行樂須少年老去看花亦可憐典衣沽酒花前飲醉歸掃落花鋪地眠

風吹花落依芳草翠點胭脂顏色好韶光有限螺空
飛歲月無情人自老眼看春盡爲花愁可惜朱顏變
白頭莫遣花飛江上去殘紅易逐水東流忠肅墨迹
世不多見此詩爲汪玉水所藏今不知歸於何所矣

田按辛丑一科有三偉人薛文清劉忠愍于忠肅也
科目得人于斯爲盛忠肅絕句極有風致

夏日卽事

密密榆槐散綠雲蕭蕭庭館絕纖塵林鶯巧語如留客梁燕
低飛不避人歲月無情催暮景江湖何處是通津數莖白髮
籠紗帽深愧淵明漉酒巾

題山水

溪山疏雨歇水木散輕陰樵唱知何處白雲深更深

春日登樓

柳條如翠綫萬縷織春愁遮斷東風路無緣入畫樓

暮春遇雨

煖風吹雨浥輕塵滿地飛花斷送春莫上高樓凝望眼天涯
芳草正愁人

村舍桃花

野水繁紅石逕斜籬門蓬戶兩三家短牆不解遮春意露出
緋桃半樹花

劉球一首

球字求樂更字延振安福人永樂辛丑進士授禮部
主事改翰林侍講以忤王振矯旨下獄死景泰初贈
翰林學士謚忠愍有兩溪集二十四卷

少保東萊黃公輓詩

岳降生英傑賓興得異才能令吾道泰還起士風頽佐縣同
棲棘參戎志面槐退常親簡策進不藉梯媒敷奏陳忠款超
遷自上裁從容喉舌寄親切摺紳陪受命龍墀下宣威瘴海
隈餉資蕭相給民借寇公回邊鎮金湯固蠻邦宇宙開皇言
重譯布方物兩京來邇騎防秋出還旌走傳催入朝雖髮白
報國未心灰寵任綏南土崇階遍上台堯天期捧日殷鼎待
調梅豈謂椿齡暮俄興薤露哀訃音聞北闕恩典下東萊拱
木兒孫樹甘棠父老培令終名不朽何日到泉臺

萬節

一首

節字資中安福人永樂辛丑進士除榮昌知縣入爲
御史擢廣西按察副使有雪坡集

書岡山

高齋適幽曠穆然對前山誰云陶彭澤讀書在其間往哲迹已邁今人心尙閒落葉滿衡門取琴爲我彈興到時獨往孤雲相與還

陳中 一首

中字舜用莆田人永樂辛丑進士除戶部主事遷員外郎有介庵集

蘭陔詩話舜用才情敏贍嘗遊壘山眞靜崖和虛洞
韓詩疊韻二十叩鉢而就其詩如山迴渾嶺榔煙白
路入蠻鄉荔雨晴黃鶴不來松樹老白雲已去洞門
間雖苦吟者不能及也

金陵送林弘豫歸莆

觸熱綯聞過建康離亭何事又嚴裝家山久積南閩夢旅雁

愁分薊北行一騎斜陽槐影綠孤舟細雨藕花香念予未遂
林泉願歸思隨君繞故鄉

鄭述

一首

述字季述莆田人永樂辛丑進士除刑部主事出爲
惠州通判擢南雄知府

書懷寄王士俊

遙數歸期未有期天涯贏得蠭成絲宦情久已同雞肋野服
惟應稱鹿皮松菊久牽元亮興草廬虛動季鶯思何當散髮
烏山下遲爾林間攀荔枝

唐寅

一首

寅醴陵人永樂癸卯舉人授光山訓導遷岷府教授

漁村夕照

鷓鴣嘯斷雨初晴渡口風來水氣腥溪北村南濟曬網釣船閒在夕陽汀

俞山一首

山字積之秀水人永樂癸卯舉人除崑山訓導正統中改宜興遷鄉府伴讀景帝踐阼進鴻臚寺左丞尋

進左少卿拜吏部侍郎進太子少傅以老乞歸有梅莊集

題畫梅

望來絕勝董嬌嬈凍粉含香玉影搖十二樓頭明月滿不勝清淚濕絞綃

張楷二首

楷字式之慈谿人永樂甲辰進士除御史出爲陝西

按察僉事遷副使擢都察院右僉都御史有和唐音

二十八卷和李杜詩十二卷

麓堂詩話楊文貞公精鑒識慎許可序張式之詩稱

勗哉乎楷而已

野獲編正統十四年福建勦賊都御史張楷作除夕
詩云靜夜深山動鼓鼙生民何苦際斯時又云亂離
何處覓屠蘇濁酒三杯也勝無又云庭院不須燒燼
竹四山烽起照人紅爲給事中王詔所劾罷去宣德
中楷先爲御史作詩以獻宣宗意欲求進罪之賴學
士陳循力救而免至竟終以詩敗

田按式之詩於永宣時不落下品惟和唐音和李杜
不自量力違歸捧心之誚

寄和州劉使君

與君十載成分手猶記沙頭倒玉瓶白首不離江上郡好山

多在郭西亭海雲作雨兼天黑隴麥將春入望青料得高吟
總清勝一尊何日爲君聽

宮中詞

宮中楊柳戲青娥不見葳蕤舞鳳過怪底東風不相忌隔牆
吹送落花多

明詩紀事

貴陽陳田輯

乙

薛瑄十六首

瑄字德蘊河津人永樂辛丑進士除御史正統初出爲山東提學僉事進大理左少卿忤王振下獄論死尋免景泰初起大理寺丞進南大理卿英宗復辟拜禮部右侍郎兼翰林學士入閣預機務乞歸卒贈禮部尚書成化初謚文清隆慶中從祀孔廟有河汾集

四庫總目明代醣儒薛瑄第一而其文章雅正具有典雅不以俚詞破格其詩如歐一齋之類亦間涉理語而大致冲澹吐言天拔往往有陶韋之風蓋有德有言瑄足當之

藝苑卮言講學者動以詞藻爲雕鍊之技工文者則
以拙語爲談笑之資若整柄不相入無論也七言最
不易工吾姑舉諸公數聯如翼軒原星朝北極帳蟠
諸嶺尊南條天連巫峽常多雨江過潯陽始上潮此
薛文清句也溪聲夢醒偏隨枕山色樓高不礙牆狂
搔短髮孤鴻外病卧高樓細雨中千家小聚村村暝
萬里河流處處同殘舊漢楚燈前壘小閣江山霧裏
詩化石未成猶有淚舞鶯雖在不驚塵此莊孔賜句
也竹林背水題將偏石筍穿沙坐欲平出牆老竹青
千箇汎浦春鷗白一雙時時竹几眼看客處處桃符
寫似人竹徑旁通沽酒市桃花亂點釣魚船此陳公
甫句也何嘗不極其致

田按文清古體淡遠律韻雄濶絕句極有風韻非一
時講聲律者所能及

宿山亭

山深郵舍孤人門晚色靜四顧足喬木蕭蕭北風勁向夕起
重霏窗戶倏已暝然松代秉燭明暗光塵定草草具杯酌何
暇梨果但乃知山林趣足發遠遊興天明登前山清風滿蘿

逕

泊舟貽溪宿陽樓山下

草堂傍溪谷瀟灑無塵埃隱几流水去開牖青山來客情旣虛靜遠目何曠哉弭節得周覽外虛仍侵懷村落日已暝山氓猶未回念此不能寐遠抱殊難裁

蘭陵懷古

早發鄒子國午至蘭陵邑蘭陵久已荒禾黍帶荆棘惟有古寺存逕入林影密老僧知我來出門遠候立下馬問往事爲我指遺迹蒼茫古城東墓有荀卿石我欲往尋之還爲野水隔憶昔周室卑蠻荆凌上國茲邑乃荆疆人物殊烜赫寂寞千載餘浮雲空古色如何當日聞重有逃謫責只今文字存

尚爲人指摘鞭馬舍之去極目遠天碧

七盤道中

曉度七盤山北行道彌惡峭壁根虛無危棧架飛閣飄飄風
吹衣漠漠雲漲壑不有黑龍江亂石何磊落急瀨轉雷轂奔
湍散流沫洞潭更陰沈俯視誠可愕茲路屬再來卽事情已
昨艱險難具諭惟與存頗末

送人之蜀

岷江瀉東溟岷山倚西極江山古名秀楊君將此適秋風送
征帆夜火明水驛相憶瑤華音看取東風翼

龍陽山行遇雨

歲晚山行深山中水重疊叢篁夾溪橋橋斷橫槎接陰雨竟

連朝雲林黯一色虛風忽冷然蕭蕭墜黃葉撫景復何爲內
顧遠遊客

舟發城陵磯

急鼓催舟發依稀見岳陽遙波浮島嶼水合岷湘竹瓦居
人閣杉牌賈客房且看風景異未覺遠遊傷

題溪山佳趣圖

仙人騎鶴去已久猶有畫圖傳世間石林倒浸碧溪裏玉峯
秀出青雲端數椽茅屋鎮寥闊一葉扁舟常往還借問此中
何所樂萬事不羈山水閒

儀真

東南水陸會真州吳楚風雲控上游潮落瓜州遠渡出天連

揚子大江流迎鑾鎮古名猶在解纜橋荒事已休多少繁華
成俯仰萬家楊柳不勝秋

歌風臺

故城南畔泗河隈漢祖歌風舊有臺藥飲一時酬父老壯心
千古憶雄才新豐桑柘蕭疏盡芒碭雲霞散漫開一自鼎湖
龍去後英魂幾復沛中來

陽武懷古

黃河南下是通津縣郭千年秋水濱兵結圍城猶有漢車駕
博浪已無秦黑陽山晚橫殘照清水潭乾起暮塵立馬幾回
思往事宰平誰識社中人

山水小景

湖水茫茫浪拍天春風湖上有人煙小樓半在花林內簾捲

青山看釣船

絕句

細雨纖纖草吐芽短牆茅屋是誰家春寒未有好情思忽見
幾株村杏花

徐州見黃河

我家正在龍門下流出黃河幾曲長忽向徐州城外見牽情
一水正思鄉

汾上春行

清汾信馬踏春酣汀草萋萋隴麥韻正是煖風驪鳥日水村
花隱似江南

乙編卷十二
鞏洛道中

嵩高雲氣晚嵯峨清洛西風咽逝波水色山光渾似舊宋家
陵墓夕陽多

吳與弼

二首

與弼字子傳臨川人天順初以薦召見拜左春坊左
諭德辭不就有康齋集十二卷

四庫總目與弼出處之間物論頗有異同然其學能兼
採朱陸之長刻苦自立及門弟子陳獻章得其靜觀
涵養遂開白沙之宗胡居仁得其篤志立行遂啟餘
干之學其功未可盡沒其詩文亦皆清濟近理又不
得以其急於行道躁於求
名遂并其書而記之也

秋晚

風來夜枕寒雲宿曉窗雨旅思共秋生遙思故山侶

門外閒坐

習靜生憎損病心晚涼門外獨橫琴呼童細剔溪頭樹爲愛
青青雲際岑

陳獻章十五首

獻章字公甫新會人正統丁卯舉人用薦授翰林檢討萬歷初從祀孔廟追謚文恭有白沙集

龍堂詩話陳白沙詩極有聲韻居山大忠祠曰天王舟櫓浮南海大將旌旗仆北風世亂英雄終死國時來胡虜亦成功身爲左衽皆劉豫志復中原有謝公人窮勝天非一日西湖雲掩岳王宮和者皆不及餘詩亦有風致但所刻淨稿者未之擇耳升菴集陳白沙詩五言沖淡有陶靖節遺意然賞者少徒見其七言近體效簡齋康節之渣滓至於筋斗樣子打乖箇裡如禪家阿佛罵祖之語殆是傳燈錄偈子非詩也若其古詩之美何可掩哉然謬解者箭篇皆附於心學性理則是癡人談夢矣

頤山詩話公甫自是禪學如午睡詩云道人本自畏
炎炎一榻清風捲盡簾無奈華胥留不得起憑香几
也讀楞嚴又云天涯放逐渾閒是消得金剛一部經是
監托出何曾如宋人所謂改頭換面者耶
藝苑卮言陳公甫如學禪家得一自然語謂遊
戲三昧公甫少不甚攻詩出之若無意者微近自然
弇州山人續稿公甫詩不入法文不入體又皆不入
題而其妙處有超出於法與體及題之外者余少學
古殊不相契晚節始自會心偶然讀之或倦而蹠然
以醒不飲而陶然以醉不自知其所以然也
夢蕉詩話陳獻章作詩脫略凡近其審法得之於心
隨筆點畫自成一家

廣東新語粵人以道爲詩自白沙始白沙晚年用
刻槎杼奇氣千萬丈峭自成一家

經鱸洲

夕舫凌大波北風吹我席冥冥鱸洲煙宛對君山碧來雁知
天寒歸人看月色超超塵外心浩矣周八極

感劉琨與盧諺事

越石信英臣子諒亦文雅生遭晉運微奔走風塵下晉陽嘯
明月胡笳夜回馬并州因石勒從事爲別駕成敗非所論吾
憐鑿坏者

秋興

盛時不得意衰老徒傷悲志士曷爲爾載籍多見之翹首面
崑崙白龍有遺池振衣一干仞高啄秋風誰

贈謝德明有事赴廣還

月落五仙城天空一雁鳴離愁動江色歸纜解鐘聲驚應船
謳起溪尋酒幔行經過不買醉貪嗅早梅馨

九日寄丁明府

病裏登高意村邊社樹蒼有歡開酒禁無力控詩狂老鬢簪
花醜秋襟照水涼如何丁明府不肯共重陽

春日江村

草滑籬腰綠花簪石頂紅園林開畫景鶯燕語春風山靄霏
霏合江流渺渺東獨來橋畔路高拄過眉筇

中秋撥闋用舊韻

疏星圓碧玉秋氣正平分共持今夕酒又減去年人白髮來
千丈青山忽數墳年光付流水萬物信乾坤

偶憶夢中長髯道士用一囊貯羅浮山遺予戲作示范

規

九節之筠手所持兩年衰病負幽期香爐潔布還匡阜碧水

丹山自武夷雞犬幾時同馭氣雲霄無日不支願可憐一覺
羅浮夢不記長髯道士誰

晨起將出尋梅

朝煙橫野犧鳴陂索杖山齋睡起時田父喜留今日酒梅花
不欠去年詩衝寒索笑來何處帶病尋香出每遲彷彿西湖
夢中見水邊籬落忽橫枝

對酒

竹杪風輕瓦雀哀葛巾蕭散步階苔放懷自對溪花笑好事
誰擣酒舫來白髮驚看今日老青春剛到隔年同壯心被酒
如飛鶴又逐紅雲上玉臺

次韻張侍御叔亨至白沙

生死遭逢未可知兩生名氏至今疑自陳多病甘爲退苜與
間愁博得衰冷雨侵人呼酒數盞藤扶杖看花遲繡衣未笑
茅根禿來請延陵十字碑

河橋柳色

廬阜清風長官宅渭城朝雨王維詩東西綠徧河橋路長與
離人照酒卮

黃別駕報世卿將來白沙

君去廬山幾度春君來不來桃花新花日喜逢黃別駕共對
廬山說故人

石門讀貪泉碑

芙蓉花發西華寺遠訪殘碑到石門一曲貪泉歌未了夕陽

紅近水西村

得廷寶書

洗竹添花張戶曹忽拋閒散事煎熬東門春水無人釣又長
溪頭幾尺高

莊果

四首

景字孔陽江浦人成化丙戌進士改庶吉士授檢討
以諫謫桂陽州判遷南行人司副進禮部郎中天啟
初追謚文節有定山集

四庫總目果癖於講學故其文多闡太極圖之義其詩
亦全作擊壤集之體然如山隨病起青逾峻菊到秋
深瘦亦香土屋背牆烘野日午溪隨步領和風碧樹
可驚遊子夢黃花偏愛老人顏酒卮漫傾月上釣
絲繞殿覺風和錄之以備別格亦論唐詩者存矣山
子集之意也

麓堂詩話莊定山未第時已有詩名苦思精鍊累日不成一章如江櫂得秋天露冕春停江上樹往往爲人傳誦晚年益豪縱出入規格如開闢以來元有此蓬萊之外更無山之類陳公甫有曰百練不如莊定山有以也

升菴集莊定山早有詩名詩集刻於生前淺學者相
可與效其太極圓兒大先生帖子高以爲奇絕又有絕
是佳語有滑稽者改作外官答京宦菴詩云贈我不
雨包陳福建還他一正好南京聞者捧腹然定山晚
七年詩入細有可並唐人者古詩如題竹及養菴兩篇
鷗與君真自厚不是兩相留七言律如野暝微孤樹江清著數
上菴萊第一重道人今夜宿芙蓉塵埋下界三千丈
月在西巖七十峯又秋燈小榻留孤艇疏雨寒城打
二更北海風回帆腹飽長河霜冷岸痕高和沈仲律打
原字韻心無牛口千秦穆迹懶龍頭愧邴原寄劉東橋詩
山云塵外有人占紫氣鏡中疑我尙朱顏次東橋詩
不獨爲窮愁木冒紫芝又招隱誰甘同寂寞著湖水
記有家歸寄鄧五羊云行時自客自知無歲暮賓鴻不
甘神潢更有溪毛當紫芝又招隱誰甘同寂寥著湖水

問鬼神浮世虛名非得已出山小草卻悲人別時笑

語風吹斷會處迷離夢寫真此數首若隱其姓名以

示人觀者決不謂定山作也
藝苑危言莊孔賜佳處不必言惡處如村巫降神里

坐

老鷺

靈巖山逢大虛僧

雲水秋江與別蹤三年不見意何窮誰知小榻青燈裏又是。
寒巖白髮中坐久可忘今夜月夢回誰喚北堂鐘相逢更有
梅花約留取他年一笑同

遊平湖南寺

綠陰深入傍湖州水作清深樹作幽是畫不知還是寺晚峯
斜日更登樓

次韻升卿弟

七尺自臨潭底影一瓢不聒樹頭風安心了了無言說興味
都歸半醉中

往年寄無錫秦方伯有定山泉亦龍山好卻愛香茶兩
寺僧之句因與慈溪孤鶴翁誦之不勝有懷更作一
詩寄

公在龍山我定山尋僧兩寺一般閒三年記得詩僧去不見
梅花一句還